



basic education

Department:
Basic Education
REPUBLIC OF SOUTH AFRICA

DITLHATLHOBO TSA NGWAGA LE NGWAGA TSA BOSETŠHABA 2015 KAEDI YA DITEKO SETSWANA PUO YA GAE MOPHATO 2

MATSENO

Tsheko ya 2015 ya diteko tsa Ngwaga le Ngwaga tsa Bosetšhaba (ANA 2015) e tla diragadiwa mo dikolong tsothle tsa puso le tse di ikemetseng go tloga ka 2015. Mo pakeng eo barutwana botlhe ba ba mo mephatong ya 1 - 3 ba tla kwala diteko tsa bosetšhaba tsa Dipuo le Dipalo. Dipholo di tla dirisiwa go dira pegelo ya tsweletso tebang le go fitlhelela maikaelelo a leano la Tsamaiso ya Thuto la 2015 go ya Thutong ya 2025.

Diteko tsa ANA di tla kwalwa mo nakong ya kgweditharo ya boraro ya sekolo, ka jalo Lefapha Thuto ya Motheo (DBE) le dirile ditokomane tsa dikaedi tsa ditlhatlhubo tse di neetsweng mophato le serutwa sengwe le sengwe (Dipuo le Dipalo). Kaedi e e thadisa bonnye diteng tsa kharikhulamo tse di tshwanetseng go diragadiwa ke barutwana botlhe pele ga go kwalwa ga teko. Kaedi e neelana ka tekanyetso ya thulaganyo ya tiro e e tla akarediwang mo tekong ya mophato le serutwa sengwe le sengwe. Dikaedi tsa teko di tlhalosa tiro e e tla akarediwang mo ditekong tsa mophato mongwe le mongwe le serutwa sengwe le sengwe. Kaedi ya Diteko Tsa Ngwaga le Ngwaga tsa Bosetšhaba tsa 2015 (ANA 2015), e rulagantswe go ya ka lenanethuto la Kgato Motheo le le dirisiwang.

KGATO MOTHEO

Mo Mephatong ya 1- 3 diteko di tla akaretsa tiro e e beetsweng dikgweditharo tsa ntlha tsa ngwaga wa dithuto. Mo mephatong e, dikaelo di rulagantswe mo dikholomong di le tharo le mo meleng. Mo moleng o o neilweng, karolo ya bokgoni e e tla tlhatlhobiwang e totobetse mo kholomong ya ntlha, diteng tse di tlhatlhobiwang di totobaditswe mo kholomong ya bobedi, /bokgoni jo bo totobetseng jo bo tlhatlhobiwang bo supilwe mo kholomong ya boraro.

Go botlhokwa go lemoga gore Kaedi ya ANA 2015 ga e reye gore tiro e e lekanyeditsweng mo thulaganyong ya Kaelo ke yona fela e e tshwanetseng go rutwa le go ithutwa mo ngwageng o wa dithuto. E raya gore thulaganyo ya Kaelo e akaretsa fela bonnye lenanethuto le le tshwanetseng go ka fitlhelelwa kwa bofelong jwa kgweditharo ya boraro ya sekolo.

Barutabana ba solofetswe go dirisa dikaedi mmogo le dithusathuto tse dingwe mo manaaneong a bona a go ruta le go tlhatlhoba.

| BOKGONI | DITENG TSE DI TLHATLHOBILWENG Go tlhatlhoa gore a moithuti o kgona go: | BOKGONI JO BO TOTOBETSENG |
|---------------------------|---|--|
| Puiso le medumopuo | <i>Boeletsa ditumammogo tse dipataganeng th, tl, tsh, kg – sk tlala, kgomo</i> | Dirisa setshwantsho jaaka kaelo go botsa medumopuo |
| | Dirisa ditumammogo tse dipataganeng go aga mafoko. | Kwala lefoko le le tsamaisanang le setshwantsho. |
| | <i>Lemoga kg mo tshimologong ya mafoko sk kgomo, kgwele.</i> | Dirisa ditumammogo tse dipataganeng. |
| | Tlhaola dintlhakgolo mo go se se buisitsweng ka dintlhakgolo (kgweditharo 3) | Tlhophha modumo o o nepagetseng mo dikarabong tse di neetsweng. |
| | Tlhaola dintlhakgolo mo go se se buisitsweng ka maikaelelomagolo) | Go neela kgang setlhogo. |
| | Tlhaola dintlhakgolo mo go se se buisitsweng ka mongwe wa baanelwabagolo. | Ntsha tshedimotsetso mo setlhangweng |
| | Tlhaola dintlhakgolo mogo se se buisitsweng ka lefelokgana/maitshetlego. | Ntsha tshedimosteso mo setlhangweng. |
| | Tlhaola dintlha tsa botlhokwa mo go se se buisitsweng jaaka tatelano ya ditiragalo mo go se se buisitsweng. | Kwala dinomoro tsa dipolelo ka tatelano e e nepagetseng |
| | Buisang dibuka le go buisana ka kgolagano ya lebaka le tatelano. | Go bontsha go tthaloganya kamano ya tiragalo le lebaka. |
| | Araba dipotso tsa maemo a a kwa godimo go tswa mo kgannyeng e e buisitsweng. | Go bontsha go tthaloganya bokhutlo jwa kgang. |
| | Tlhagisa maikutlo ka ga setlhangwa o bo o neele mabaka. | Tlhagisa gore a kgang e itumeletswe kgotsa ga e a itumelelwa le go tshegetsisa seo ka mabaka “ke itumeletse kgang gone ... |
| | <i>Supa dilo tse di tshwanang.</i> | Tiriso ya dilo tse di tshwanang. |

| BOKGONI | DITENG TSE DI TLHATLHOBILWENG Go tlhatlhoa gore a moithuti o kgona go: | BOKGONI JO BO TOTOBETSENG |
|-----------------|---|--|
| | <i>Supa dilo tse di farologaneng.</i> | Tiriso ya dilo tse di sa tshwaneng. |
| | Ranola tshedimosetso go tswa mo mananeong a a bonolo. | Dirisa tshedimosetso mo lenaaneng (sk. Khalentara kgotsa kerafo) go araba dipotso. |
| Go kwala | <i>Dirisa maemedi ka nepagalo sk bona, yona, yame.</i> | <i>Tlhopha leemedi le le tlogetsweng.</i> |
| | Dirisa pakapheti e e bonolo ka tshwanelo. | Kwalolola polelo e e neetsweng ka pakapheti. |
| | Dirisa pakatlang ka tshwanelo. | Kwalolola polelo e e neetsweng ka pakatlang. |
| | Dirisa matshwao a puiso ka nepagalo dintlhakgolo, khutlo le letshwao la potso. | Kwalolola polelo o dirisa matshwao a puiso a a nepagetseng. |
| | Dirisa maina ka nepagalo | Kwalang maina ka nepagalo. |
| | Kwala dipolelo tse di bonolo ka setshwantsho se o se neetsweng. | Kwalang temana ya dipolelo di le 5-8 ka setshwantsho |

- Maduo a potso 16 a kgaogantswe ka mokgwa o:

Maduo a diteng + thutapuo/matshwaopuiso = maduo a le 5.

O se otlhaele mopeleto o o fosagetseng.

| RUBURIKI YA POTSO 10.2 | | |
|---|---|-------|
| MOKGWA | TLHALOSO | MADUO |
| Diteng (Maduo a le 3) | Ga gona maiteko a a dirilweng/ Okopolotse ditaelo/O kwadile lefoko, o kwadile bontlhabongwe jwa polelo kgotsa polelo e le nngwe le go feta e e sa tlhaloganyegeng/ O kwadile polelo e le nngwe e e sa tsamaisaneng le setshwantsho. | 0 |
| | O kwadile dipolelo di le 2 tse di sa tsamaisaneng le setshwantsho/O kwadile polelon e le nngwe e e tsamaisanang le setshwantsho. | 1 |
| | O kwadile dipolelo di le 2-4 tse di tsamaisanang le setshwantsho. | 2 |
| | O kwadile dipolelo di le 5-8 tse di tsamaisanang le setshwantsho. | 3 |
| Thutapuo le matshwa puiso (Maduo a le 2) | Diphoso di le 10 tsa thutapuo le/kgotsa tsa mopeleto. | 0 |
| | Diphoso di le 4-9 tsa thutapuo le/kgotsa tsa mopeleto. | 1 |
| | Diphoso di le 0-3 tsa thutapuo le/kgotsa tsa mopeleto. | 2 |
| Maduo otlhe | maduo otlhe a a abilweng:5 | |